

楊仁山居士遺著

等不等觀雜錄卷一之二

第七冊

其不其以觀

雞錄八齊

楊居士遺書第一種

等不等觀雜錄卷一目錄

讀法華經妙音品

圓覺經清淨慧章別記

彌陀報土

起信論證果

三身義

大乘律

佛法大旨

學佛淺說

金剛經四句偈說

藏經字體不可泥古說

鴉片說

觀未來

支那佛教振興策一

支那佛教振興策二

釋氏學堂內班課程芻議

釋氏學堂內班課程

佛學研究會小引

祇桓精舍開學記

金陵本願寺東文學堂祝文

般若波羅密多會演說一

般若波羅密多會演說二

般若波羅密多會演說三

般若波羅密多會演說四

南洋勸業會演說

送日本得大上人之武林

改日本橋大工入之

改日本橋大工入之

改日本橋大工入之

改日本橋大工入之

改日本橋大工入之

改日本橋大工入之

等不等觀雜錄卷一

清石埭楊文會仁山著

讀法華經妙音品

此品義味幽深。須以三法釋之。初依四賓主。次依四法界。三依六相。且初。依賓主釋者。釋迦如來主中主也。多寶如來賓中主也。妙音菩薩賓中賓也。文殊菩薩主中賓也。先由主中主放光東照。妙音方發意來觀。眾寶蓮華既現于靈山會前。文殊乃問世尊。欲知妙音所行三昧。並願見其色相。表二菩薩均在因位。各有分齊。非仗佛力。不能融會。釋迦乃斷多寶爲現。

表古佛雖久滅度。神用常興。故一呼卽至。乃賓中主。召賓中賓也。及至妙音到已。先見釋迦。不見多寶者。表釋迦爲此界宗主。多寶現於釋迦界中。非釋迦介紹。不能見也。次依四法界釋者。妙音。事法界也。文殊。理法界也。釋迦。理事無礙法界也。多寶。事事無礙法界也。前文釋迦開多寶佛塔。表理事無礙。事事無礙也。多寶分半座與釋迦並坐。正顯事事無礙之象也。文殊表根本智。顯示般若真空之義。理法界也。妙音得種種三昧。淨華宿王智佛爲彼說國土淨穢身量大小。妙音未來時。先現眾寶蓮華。所經國土。雨華。

動地。天樂鳴空。皆屬事法界也。理事無礙。方能契合。
故文殊白。佛欲見妙音。然非事事無礙。不能隨心自
在。故釋迦。漸多寶。現其相也。三依六相釋者。卽華嚴
經中。總別同異成壞也。靈山道場爲總相。四聖在會
爲別相。皆證法華爲同相。因果差殊爲異相。師資道
合爲成相。各住自位爲壞相。寂音尊者用各不相知
之義。釋此品。專屬壞相。於經意未能全合。

圓覺經清淨慧章別記

第六章清淨慧菩薩問法。世尊開示四種淺深證道
之相。復說居一切時不起妄念。於諸妄心亦不息滅。

住妄想境。不加了知。於無了知。不辨真實。凡三十二字。作四句讀。古今諸師各申妙解。今爲同志宣揚。特出新義。以餉大眾。初句不起妄念者。若就思惟心言之。則與下句不能聯合。當知妄念卽是第七識。隨緣執我。便成非量。一切時不起。則七識轉成平等性智矣。第二句之妄心。六識思惟心也。七識爲六識之根。根旣平等。則依根所發之識。必無我執。是名妙觀察智。何須息滅。如永嘉答六祖云。分別亦非意。深契六祖之道也。第三句住妄想境。前五識也。五根對境而有五識。唯是現量。因有同時意識爲緣。則成比量而

現量隱故名加了知。古人徹悟之時。歎爲山河及大地。全現法王身。若加了知。則無此境。不得名爲成所作智矣。第四句無了知者。卽是第八識無分別智。辨之者。第六意識也。意識認爲真實。則違八識現量矣。勝鬘經云。煩惱隱覆真實。意識不辨。則不被其隱覆。八識轉成大圓鏡智矣。八識旣轉。四智全彰。豈非一切種智乎。故下文佛讚德本以結之。

彌陀報土

古人以四土釋西方極樂世界。復以互相該攝之言通之。子細參詳。似猶未愜。蓋佛刹具四土者。不可一

概而論。經中每云。或有國土。純是菩薩。則下二土自無有矣。今依淨土三經所說。一切眾生往生彼國者。皆得衣食自然。究竟徹證無上菩提。是往生者雖未證聖。已非凡界。既無凡界。則不可說凡聖同居矣。又二乘種性往生之後。雖證小果。畢竟趨入大乘。是無實聲聞。便不可說方便有餘矣。統而言之。無非彌陀報土。隨往生者根器不同。見彼國土淺深有異。既入彌陀願海。自業報境全捨。豈有凡界能爲牽繫耶。又有高談淨土者。喜提常寂光。亦非本經意旨。蓋十方諸佛所居常寂光。平等無二。尙非淺位菩薩所及。何

況下凡。若能入常寂光。則無此界他界之別。又何必說西方耶。既說西方。自以彌陀報土爲歸。是爲他受用土。若論彌陀自受用土。非常寂光而何。

起信論證果

信成就發心者。入圓初住位。卽得少分見於法身。便能八相成道。現劣應佛。至十地位。盡見滿分法身。在色究竟天。現勝應佛。或疑初住所現劣應佛。不具三身。與妙覺果位有異。又疑十地位盡所現勝應佛。亦不說報身。今爲通釋。夫初住位既見法身。而法身徧一切處。卽名毗盧遮那。不可以自他情量限之。雖云

少分見。但以入理深淺言之。非謂另有分法身在所見之外也。法身者。自受用身也。報身名他受用身。亦稱法界性。徧一切處。隨機顯現。初住菩薩現佛身時。卽以毗盧遮那爲自法身。以盧舍那爲自報身。以色究竟天佛爲自勝應身。以一位徧攝一切位故。至十地位盡現勝應身時。亦復如是。又勝應身卽梵網所謂千華上佛。彼經云。盧舍那化爲千釋迦。千釋迦又化爲千百億釋迦。是謂從本起末。若攝末歸本。準例可知。旣入佛性海中。釋迦現身。一切法趨釋迦。彌勒現身。一切法趨彌勒。無量諸佛。莫不皆然。

三身義

清淨法身圓滿報身。千百億化身。是之謂三身。學佛者若不知三身義。則真假二諦不能圓融。世人所見釋迦牟尼佛從母胎出。修行證道。說法度生。入於涅槃者。皆化身之事也。化身一名應身。以其應眾生之機而出現也。當知釋迦成道以來。經久遠劫。三身具足。一時能現無量化身。猶如月映萬川。彼月之體性。能現月形者。法身也。彼月之光明照耀無邊者。報身也。水中所現之月。隨處可見者。化身也。若但知化身爲佛。而不知普徧平等之法身。萬德莊嚴之報身。則

佛陀亦人中之傑出者而已矣。豈能統十界而稱尊。互古今而常存者乎。他教之言曰。佛者受造者也。上帝者造物者也。是皆知有化身而不知有法身報身也。法身者。四聖六凡所同者也。稱爲本覺。報身者。萬劫修行所顯者也。稱爲始覺。始本合一。方證佛果。然後現無量化身以度含靈。六道凡夫。雖有法身隱而不現。隨業所受之身。或爲人。或爲畜。卽是報身。無隨類現形之用。故無化身。此等眾生。顛倒妄想。輪轉無窮。若欲脫此幻夢。殊非深究內典。不爲功。然內典繁多。從何入手。用功省而收效速也。曰。有馬鳴菩薩所

作起信論。文僅一卷。字僅萬言。精微奧妙。貫徹羣經。學者苟能熟讀深思。如法修行。從十信滿心得六根清淨。證入初住。見少分法身。歷十住。十行。十回向。十地。等覺。妙覺。徹證滿分法身。現圓滿報身。以大悲心起隨類用。卽現千百億化身。與十方諸佛無二無別也。或疑六道眾生。何能直證佛果。不知眾生本性。卽是諸佛法身。迷則輪迴六道。悟則超越三乘。然須多劫修行。方成佛道。更有淨土一門。不假勤修。不廢俗諦。一念淨信。頓超彼岸。可謂方便中之大方便。直捷中之最直捷矣。學者可不勉強。